

Քննադատական գերդաստանի տոհմաբանը, նոր տեսանկյունի հայտնաբերել և սերնդակցությունը ճշտել:

Ֆերիդուդի լատինաց գերեզմանատան տապալակներն ալիքի անցկացնելիս նա հայտնաբերել և նույն դրքում հրատարակել է Երեմիայի նահապետի եղբոր՝ Տեր Կոմիտաս քահանայի Վեդոր (Վիկտոր) և Ջամպետա թոռնուհիների 1740 թ. տապալակները:

Կոմիտե կարելի է պատկերացնել հայագի-

տական այն նորությունների գումարը, որ կարող է բերել Կ. Պոլսի հայոց հին ու նոր հանգստա-
գանների տապալակների համահավաք հրատարակությունը, իսկ հարգարժան բանասերը՝ վաղուց արդեն ձեռնամուխ է եղել այդ գի-
վանի կազմավորմանը: Հուսանք, որ մեր սերունդը կարժանանա այդ հրատարակությունը տեսնելուն:

Պատմ. գիտ. դոկտոր Պ. Մ. ՄՈՒՐԱԳՅԱՆ

Ս. Գ. ՀՄԱՅԱԿՅԱՆ. Վանի թագավորության պետական կրոնը, Հայաստանի ԳԱ հրատարակչություն, Երևան, 1990, 158 էջ և 31 էջ աղյուսակներ:

Հին քաղաքակրթությունների կազմավորման ու զարգացման իրական ընթացքը զգալի է պատկերացնել առանց դրանք կերտող ժողովրդի կամ ժողովուրդների հոգևոր կյանքի բոլոր դրսևորումների և աշխարհայեցողության մի հավաքական ամբողջություն հանդիսացող կրոնի համակողմանի ուսումնասիրման: Հազարամյակների ընթացքում հղկվելով և հարստանալով հարակից էթնոմշակութային հանրույթների կրոնական հավատալիքների հետ ունեցած շփումներով և տվյալ էթնոսի սոցիալ-քաղաքական զարգացման որոշակի մակարդակում հասնելով պետական պաշտոնական կրոնի աստիճանի, այն վերածվում է առասպելական շրջադարձով պսակված մի յուրատեսակ խճանկարի, որի գիտական վերծանությունը անգնահատելի սկզբնաղբյուր է էթնիկական ու քաղաքական պատմության մասնագետների համար:

Հենց այս տեսանկյունից պետք է գնահատել զբաղվող աշխատությունը, որը հեղինակի՝ Ս. Գ. Հմայակյանի բազմամյա ուսումնասիրությունների հանրագումարն է, ավելի ճիշտ՝ «առաջին արգելապատնեշի» հաղթահարումը, որը կարող է հիմքը լինել այս բնույթի հետագա և այլ աշխատությունների համար: Որքան էլ տարօրինակ հնչի, լուսումնասիրվել փաստ է, որ մինչ այս, համեմատաբար հարուստ ուրարտագիտական գրականության մեջ չկային աշխատություններ, որոնք Ուրարտուի (Վանի թագավորության) կրոնը ներկայացնեին քիչ թե շատ ամբողջական տեսքով. և այս աշխատությունը, ընականաբար, լրացնում է այդ բացը:

Վանի թագավորության պետական կրոնը աշխատությունը կազմված է նախաբանից, հինգ գլուխներից, վերջաբանից, աղյուսակների, հա-

մառոտագրությունների, աշխարհագրական անունների, անձնանունների, դիցանունների ցանկերից և ունի ընդարձակ, առանձին ամփոփում: Նախաբանում տրված է Վանի թագավորության հակիրճ քաղաքական պատմությունը և պատճառաբանված է կատարված ուսումնասիրության նպատակահարմարությունը:

Աշխատության առաջին գլուխը նվիրված է Վանի թագավորության կրոնի ուսումնասիրության պատմությանն ու սկզբնաղբյուրների վերլուծությանը: Հիմնականում առանձնացված են հինգ տիպի սկզբնաղբյուրներ՝ սեպագրական վիմագիր տվյալներ (գլխավորապես ուրարտական և ասուրա-բաբելական), հնագիտական նյութ, մատենագիտական, ազգագրական ու բանահյուսական տեղեկություններ: Գլուխը սկսվում է Մհերի դրան՝ Ուրարտուի հիմնական պաշտամունքային կառույցի և արձանագրության բազմիցս, տարբեր հեղինակների կողմից կատարված թարգմանությունների համագրությունում ու ճշգրտմամբ. ծանր, և հնագիտական կրթություն ստացած մասնագետի համար անսովոր թվացող մի աշխատանք, որը, կարծում ենք, պսակվել է հաշողությամբ: Ասենք, իր իսկ կատարած ճշգրտումների հիման վրա է, որ հեղինակին հաշողվել է հինգերորդ գլխում վերլուծել մինչ այս չպարզաբանված և անհայտ ուրարտական երկրագործական-եղանակային ծեսերը, որոնք շատ մանրամասնորով համընկնում են համանման հայկականների հետ. մանավանդ նրանք, որոնք առնչվել են խաղողագործության հետ: Պատկերացում տալու համար կատարված աշխատանքի մանրադնոթության մասին, նշենք, որ ծանոթագրված է այս բավականին խոշոր տեքստի գրեթե յուրաքանչյուր երրորդ բառը: Այս գլխում պա-

վկաս հանգամանորեն վերլուծված են նաև մյուս գրավոր աղբյուրներն ու արդեն հիշատակված սկզբնաղբյուրներից կարևորագույնները:

Ս. Հմայակյանը այստեղ հանգամանորեն ներկայացնում է վերլուծում է նաև հարցի մասին եղած գրեթե ամբողջ դրականությունը, առանձնահատուկ ուշադրություն հրավերելով Գ. Ա. Ղափանցյանի, Գ. Ա. Մելիքիշվիլու, Ն. Գ. Ադոնցի, Բ. Բ. Պիոտրովսկու, Ն. Վ. Հարությունյանի, Գ. Բ. Ջահուկյանի և Հ. Ա. Մարտիրոսյանի աշխատությունների վրա: Գրքի շարադրանքի ընթացքում նա բազմիցս անդրադարձն է նաև Մ. Ռիմշնայդերի և Ֆ. Քյոնիգի՝ Ուրարտուի կրոնին նվիրված հոգվածներին, որոնց, թերևս, նույնպես կարելի էր անդադրադադար առաջին գլխում: Այստեղ, հիմք ունենալով արդեն կատարված ուսումնասիրությունները Ս. Գ. Հմայակյանը տալիս է նաև Ուրարտական դիցարանի աստվածություններից ութի հակիրճ բնութագիրը. ընդ որում, հիմքն զվելով տարիներս Սյունիքում հայտնաբերված և դեռևս չհրատարակված մի արձանագրության սովյալների վրա, վերջնականապես ապացուցում է այն ժամանակներից արդեն ընկալված Սարգիս-Իշթար ֆունկցիոնալ ընդհանրությունը:

Աշխատության երկրորդ գլուխը նվիրված է դիցարանի կառուցվածքին՝ ըստ Մհերի դասն, արձանագրության, Շարադրանքի հիմք են հան-

մանականորեն, անվանված են «սրբաթյուններ»՝ Վերջիններս, ըստ Հմայակյանի, քանոթն են և ստորաբաժանված են ինը խմբերի: Խոստով կանոնավորված են եղել և աստվածությունները, որոնցից յուրաքանչյուրը զիջարանում ունեցել է միայն իրեն վերապահված տեղը և զոհերի՝ հիմնականում կայուն քանակը. սրբություններն էլ բաժանված են խմբերի (ըստ Հմայակյանի տեղաբաժանության), կառուցվածք, որը արտացոլված է հեղինակի կազմած ստորե բերված աղյուսակում:

Ուրարտական դիցարանի իր ընկալած կառուցվածքի այս ձևը հեղինակը գիտական հանրության ուշադրության էր արժանացրել դեռևս 1975 և 1982 թվականներին հրատարակած հոգվածներում (տե՛ս «Պատմա-բանասիրական հանդես», 1975, № 1, էջ 158—164, և 1981, № 3, էջ 205—210) և ընդունվում էր որոշ վերապահությամբ. սակայն, գրքում բերված հետևյալ դիտողությունը (տե՛ս էջ 128, ծան. 32) կարծես առավել համոզեցուցիչ է դարձնում հեղինակի եզրահանգումը. «Շարավոր է, որ ուրարտական դիցարանի կառուցվածքում իրենց արտահայտությունն են գտել նաև տարվա մասին գոյություն ունեցած պատկերացումները: ...Երրորդ խմբում ընդգրկված աստվածությունների թիվը՝ 52, համապատասխան-

Աստվածությունների խումբը	Աստվածների քանակը	Աստվածուհիների քանակը	Ընդամենը
I	3(+1)	3	6(+1)
II	6	6	12
III	26	26	52
Ընդամենը	35	35	70

դիսացել Գ. Ա. Ղափանցյանի և Ֆ. Քյոնիգի կառուցած աշխատանքները ու Գ. Ա. Մելիքիշվիլու դիտարկումները, սակայն ստացված արդյունքները այլ են: Ըստ Ս. Գ. Հմայակյանի, ուրարտական դիցարանը խոստով կանոնավորված է եղել և մշակված երկու մեծ բարեփոխիչ արձանների՝ Իշթարի և Մինուսի համատեղ գահակալության տարիներին ու նախաձեռնությամբ: Ընդ որում դիցարանում առանձնացված են եղել երկու, միմյանցից տարբեր, պաշտամունքի արժանի երևույթներ՝ բուն աստվածություններն ու այդ աստվածությունների պաշտամունքների մասը կազմող երևույթները (տարբեր երևակայական կամ իրական տարրեր, պաշտամունքային կենտրոններ և աթոռներ), որոնք աշխատանքում, զուտ պայ-

նում է օրացուցային տարվա ունեցած շաբաթների թվին (52 շաբաթ+1 օր): Երկրորդ խմբում ընդգրկված աստվածությունների թիվը՝ 12, համապատասխանում է արեգակնային տարվա ամիսների թվին՝ 12: Առաջին խմբում ընդգրկված աստվածությունների թիվը՝ 6(+1), համապատասխանում է հին աշխարհում երբեմն կիրառվող շաբաթվա օրերի թվին [աստվածների առաջին խմբում ընդգրկված են 6 աստվածներ, սակայն խալդիի անունն այստեղ անվանապես հիշատակված է երկու անգամ (ՄԿԽ, № 27, տող 5—6, 35—36)]. խալդիյն այս խմբում նշված են երեք դիցանուններ, սակայն շեշտված է 4 թիվը, որին եթե ավելացվի առաջին խմբի դիցուհիների թիվը՝ 3, կըստացվի 7]: Արական և իգական աստվածություն-

ների թիվը, առանձին-առանձին վերցված՝ 35, համապատասխանում է եզրկապակա, դրադատակա, հին հայկական տարվա ամսվա օրերի թվին՝ 30, ավելացված տարվա ռավելեացա 5 օրերը:

Ս. Գ. Հմայակյանի այս ևղբահանդումն էլ է առաջին հայացքից անհավանական թվում. սակայն իմն ընդունում ենք, որ Ուրարտուի զինուորանք մի կանոնի է բերված, ապա պիտի ընդունենք նաև, որ այդ կանոնավորումը կատարված է ինչ-որ սկզբունքի կամ մոդելի հիման վրա, մոդել, որը կարող էր հենց իրենց իսկ օգտագործած օրացույցը լինել. ինչե՛կ, սա հարց է, որի ավելի ստույգ պատասխանը թողնում ենք օրացույցով զբաղվող մասնագետներին:

Աշխատության հաշորդ, երրորդ գլուխը նվիրված է դիցարանի աստվածությունների ունեցած ֆունկցիաների, նրանց պաշտամունքային կենտրոնների ու պատկերազրության քննություններու Անիմաստ է այստեղ հանգամանորեն շարադրել այդ գլուխը գրքի առկայության պայմաններում: Ասենք միայն, որ այնտեղ բերված ու մշակված նյութը մեծ հեռանկարներ է բացում նաև հսկայական շախմատների կրոնի ուսումնասիրության ընթացքում: Այդ դիտողություններից առավել ուշագրավ են հալդի-Արսեանի (Բադմաշթու) և Միթրա-Վարունա (Ահուրամադդա), Կուեռա-Կուառ-Վիշապադուններ, Կիբելե-Խուբա և Աստղիկ-Անահիտ, Թեոդոս և Վահագն համադրությունները, որոնք, հուսով եմ, ժամանակի ընթացքում կհաշտվի փաստարկել էլ ավելի հարուստ նյութերով: Ընդ որում, Ս. Գ. Հմայակյանի՝ այս կարգի դիտողություններից մեկն արդեն ապացուցված նման ձևով. այսպես, գրքի հենց այս գլխում, անդրադառնալով Բիսանիելի լուսնաստծու անվան խնդրին, նա ապացուցում է, որ ճիշտ է ժամանակին առաջ քաշված և այնուհետև մերժված այն տեսակետը, թե լուսնի աստվածությունը Ուրարտուում կրել է ոչ թե Շեկարդի, այլ Մելարդի անունը, բոլոր վկայված է նաև Նրեմիա Միդրեյու բառարանում Մեղարդ ձևով և լուսինն նշանակությամբ: Այժմ աստուրական տեքստերի նոր մեկնաբանությունների ընթացքում պարզվել է, որ Ուրարտուն ունեցել է մինչ այժմ անհայտ մեկ արքա ևս, Մելարդուս անվամբ: Այս անունն անկասկած կազմված է երկու դիցանուններից՝ Մելարդի և Ուս: Ընդ որում սա ուրարտեանում հանդիպող առաջին անձնանունն է, կազմված դիցանուն+գիցանուն սկզբունքով. հարկ է նշել, որ այս կառուցվածքի անձնանուններն անհամեմատ ավելի հաճախ են հանդիպում աս-

տուրա-բարելական և խեթական արձանագրություններում:

Ավելացնենք նաև, որ Ս. Գ. Հմայակյանին հաջողվել է նոր՝ հնագիտական նյութերով ապացուցել, որ սեպագրագետների ու լեզվաբանների աշխատանքի առաջ կատարած այն դիտողությունը, թե ուրարտական Արծիբիդիի աստվածությունը բացատրվում է հայերեն, նշանակում է Արծիվ-աստված ու իր արտացոլումն է դոնի հորենացու նկարագրած ավանդություններից մեկում, համապատասխանում է իրականությունը (տե՛ս էջ 58—60, 120):

Գրախոսվող աշխատանքի շորորդ գլխում հեղինակը անդրադարձել է երկրի պաշտամունքային շինությունների ու քրմության հետ առնչվող հարցերին: Հիմք ունենալով հին ու նոր հնագիտական ու աղբյուրագիտական տվյալները, նա առանձնացնում է ինը կարգի պաշտամունքային կառույցներ, որոնք տարբերվում էին միմյանցից ինչպես իրենց ճարտարապետական հորինվածքներով, այնպես էլ ֆունկցիոնալ նշանակությամբ. ընդ որում, մատնանշում է նաև, որ տարբեր պաշտամունքային կառույցների համակցությամբ ստեղծված համալիրներն Ուրարտուում անվանվում էին շեշտլեհա (Տեար-պասներ), պաշտամունքային շինությունների շարքում սակավ նշանակությամբ կարևորագույնի անունով:

Վանի թագավորության պաշտամունքային գլխավոր կենտրոնը, ըստ Ս. Գ. Հմայակյանի, եղել է ոչ թե Մոծածիրը, ինչպես ենթադրվում էր, այլ Տուշպան, իսկ գլխավոր քուրմը՝ երկրի արքան, հինաբանական շատ այլ պետությունների նման:

Աշխատության վերջին՝ հինգերորդ գլուխը նվիրված է երկրի ծեսերին: Հիմք ունենալով հնագիտական և աղբյուրագիտական հայտնի տվյալները, հեղինակը վերականգնել է Ուրարտուի թագավորության, ռազմական, երկրագործական-եղանակային, թաղման ծեսերը: Վերլուծելով լեզվական ծեսի առանձնահատկությունները, նա մատնանշում է, որ կանոնավորված և քրմության կողմից վերահսկվող ծիսական համալիրների կողքին շարունակում էին գոյատևել նաև առանձին ծիսական արարողություններ, որոնք մերժվում էին պետական կրոնը սպասարկող քրմության կողմից. մասնավորապես, այդպիսին էր և մարդկային զոհաբերությունների սովորությունը: Ս. Գ. Հմայակյանի կարծիքով, հենց երկրի էթնիկական քարտեզի հարստությամբ էր պայմանավորված թաղման տարբեր ծեսերի այն առատությունը, որ դիտվում է երկրում. հեղինակը հաշվում է երեք հիմնական ծես՝ դիաթաղում, դիակիրիզում, դիա-

մասնատում 16 տարբերակներով: Հմայակյանը առանձնահատուկ ուշադրության է արժանացրել այն դաժբարանների քննությունը, որտեղ նկատված են նույն գերեզմանում տարբեր ծնունդով կատարված թաղումներ: Նրա կարծիքով սրանք տարբեր էթնիկական ծագում ունեցող ամուսինների գերեզմաններ են, որտեղ ամուսիններից յուրաքանչյուրը իր հանգիստն է գտել սեփական ժողովրդին կամ ցեղին հատուկ ծիսակարգով: Այսինքն, այս դարաշրջանում լեռնաշխարհի ժողովրդների միաձուլման առանձնապես ինտենսիվ կերպով ընթացող փաստը վկայված է նաև այս ձևով:

Այսպիսով, Ս. Հմայակյանի մենագրությունը ամբողջական պատկերացում է տալիս Ուրարտուի պատմության՝ առ այսօր միայն խիստ ընդհանուր գծերով ուսումնասիրված կրոնապաշտամունքային կյանքի մասին: Աշխատության գրեթե բոլոր բաժիններում հիմնականում համոզիչ կամ հավանականության մեծ տոկոսով համադրվում է բուն ուրարտական և հայկական նյութը, որը հեղինակին թույլ է տալիս գրքի վերջաբանում ասելու հետևյալը. «Այն (հայկական մշակույթի ազդեցությունը—Ա. Բ.) նշանակալից էր հատկապես Ուրարտուի պետական կրոնի ու լեզվի, հետևաբար և մտածելակերպի վրա: Հանգամանք, որը խորհել է տալիս, որ ամենաուշը մ. թ. ա. IX դարում լեռնաշխարհում արդեն գոյություն ունեւ հայ ժողովրդի, բարձր զարգացած մշակութային ու քաղաքական կյանքով...» (էջ 85):

Խոսելով մենագրության առանձնահատկությունների մասին, չի կարելի չնշել հեղինակի յուրօրինակ գրելաոճը: Ս. Հմայակյանը հնարավորության սահմաններում աշխատում է խուսափել անվերապահ եզրակացություններից, նույնիսկ եթե նյութը այլընտրանքի տեղիք չի տալիս: Մայրաստիճան զգուշավոր մոտեցումը, անշուշտ նկատի ունենալով ուսումնասիրության առարկայի բարդությունը, էլ ավելի է արժեքավորում այն: Մեզանում այնքան էլ հազվադեպ չեն այնպիսի ուսումնասիրությունները, որոնք զրկվում են արժանահավատության իրավունքից, երբ հետազոտողը, ձգտելով մեկ հարվածով

«պարզել» որևէ հարց, ընկնում է «ստուգարանությունների ճահճը»: Հմայակյանի մոտ լեզվահամեմատական հատվածները հեռու են սուրյնկտիվությունից: Սովորաբար հեղինակը սահմանափակվում է գոյություն ունեցած կարծիքները հիշատակելով և միայն առանձին դեպքերում է հենվում ժամանակի քննությունը բռնած տեսակետների վրա:

Ավարտելով այս գրախոսությունը և օգտելով ընձեռնված առիթից անհրաժեշտ եմ գտնում նշել մի նկատառում, որը վերաբերում է Բիայնիլի-Ուրարտու-Պանի կամ Այրարատյան թագավորություն անվանված պետության ե, հետևաբար, մ. թ. ա. IX—VII դդ. ընթացքում Հայկական լեռնաշխարհի տարածքի մի նշանակալից մասում գոյատևած այդ խոշոր քաղաքակրթության պատմությանը նվիրվելիք ապագա ուսումնասիրություններին: Ուրարտական քաղաքակրթությունը, դատելով նախորդ շրջանի մասնագիտական հարուստ գրականությունից և գրախոսվող աշխատությունից ստացված տպավորությունից, հինարևելյան քաղաքակրթությունների շարքում ունի իր ուրույն, մեկ ուրիշին չկրկնող տեղը և, բնականաբար, գոյության իրավունքը: Եվ ոչ մի նկատառումով չի կարելի անտեսել այն: Ուրարտա-հեղեվրոպական և, մասնավորապես, ուրարտա-հայկական սերտ առնչությունները (լեզվական, հոգևոր, մշակութային) վկայում են ոչ թե «ուրարտականի» չգոյության, այլ, ընդհակառակը, գոյության մասին: Ուրարտները, հավանաբար, խուռի-ուրարտական խոշոր էթնոսի այն հատվածն էին, որոնց մ. թ. ա. II հազարամյակի վերջին հաղողվեց, ավելի քան մյուսներին, ներթափանցել լեռնաշխարհի խորքը, հիմնավորվել և մի որոշ ժամանակաշրջանի ընթացքում այստեղ իր քաղաքական ազդեցությունը տարածել: Այս ժամանակահատվածի ընթացքում էլ պիտի ձևավորվեին այն բոլոր ուրարտա-հայկական ընդհանրությունները, որոնք քայլ առ քայլ ի հայտ են գալիս և որոնք երբեմն, դժբախտաբար, ոմանց կողմից որպես հիմք են դիտվում բուն ուրարտականը ծխելու համար:

Ա. Վ. ՔԱՅՍՅԱՆ